




ხაშურის მთაშუა



№12

24 აგვისტო, ორშაბათი, 2015 წელი

ლიტვის ელჩი ხაშურში

ხაშურის მუნიციპალიტეტის ელჩი საქართველოში, გიედრიუს ლიტვის პუოჯუნასი რესპუბლიკის სტუმრობდა.



ვიზიტის ფარგლებში ლიტვის ელჩი მუნიციპალიტეტის გამგებელს, გიორგი გურასპაშვილს, მუნიციპალიტეტის საკრებულოს თავმჯდომარე ვაჟა შუბითიძეს და საქართველოს პარლამენტის წევრს, ხაშურის მაჟორიტარ დეპუტატ ვალერი გელაშვილს შეხვდა.



ელჩმა დაათვალიერა ის პროექტები, რომლებიც განვითარებისა და თანამშრომლობის ლიტვური პროექტის მიერ ხაშურის მუნიციპალიტეტში წინა წლების განმავლობაში განხორციელდა.

შეხვედრაზე სამომავლო პროექტების შესაძლებლობებიც განიხილეს. გიედრიუს პუოჯუნასი ხაშურში პირველად იმყოფებოდა. იგი საქართველოში ლიტვის რესპუბლიკის ელჩის მოვალეობის შესრულებას გასულითვიდან შეუდგა.

სოფელ ბრილში ხანძარი ლოკალიზებულია

ზაფხულის ცხელი დღეები, ხშირად ხანძრის მაპროვოცირებელიც ხდება. სამწუხაროდ, ვერც ჩვენი მუნიციპალიტეტი ასცდა ასეთ შემთხვევას და სოფელ ბრილში ხანძარი საკმაოდ დიდი ფართობი მოიცვა. ხანძრის შედეგად 15 ჰექტარამდე მიწის ფართობი დაიწვა, ცვეცხლი მინდორში გაჩნდა, შემდეგ ის ვენახებსა და ტყეში გავრცელდა. ადგილზე მობილიზებული იყო სამაშველო სამსახურის 11 ჯგუფი.



ცვეცხლის ლოკალიზება მალე მოხერხდა. ხანძრის სავარაუდო მიზეზად ადგილობრივების დაუდევრობას ასახელებენ. ხანძრის შედეგად არავინ დაშავებულა.

ხანძარსაწინააღმდეგო სამუშაოებს ადგილზე გაეცვენნ შიდა ქართლის გუბერნატორი ზურაბ რუსიშვილი და მუნიციპალიტეტის ხელმძღვანელები.

ტრენინგი ფერმერებისათვის

15-16 აგვისტოს ორდღიანი ტრენინგი გაიმართა სასოფლო-სამეურნეო კოოპერატივებისათვის ბუღალტრული აღრიცხვების საკითხზე. სოფლის მეურნეობის სამინისტროსა და ფინანსთა სამინისტროს შორის გაფორმდა ხელშეკრულება, რომლის საფუძველზეც უკვე მესამე წელია სასოფლო-სამეურნეო კოოპერატივებისათვის ფინანსთა სამინისტროს აკადემია ახორციელებს ტრენინგებს სამეურნეო საქმიანობის გამჭვირვალებისა და საფინანსო-საგადასახადო საქმიანობის აღრიცხვისათვის. ტრენინგში მონაწილეობა მიიღეს ხაშურისა და ქარელის მოქმედა სასოფლო-სამეურნეო კოოპერატივების წარმომადგენლებმა და მოქმედა ხელმძღვანელებმა, ხაშურიდან 18, ქარელიდან 2-მა კოოპერატივის წარმომადგენელმა მიიღო მონაწილეობა. უნდა აღინიშნოს, რომ ძალიან დიდი იყო ინტერესი და აქტიურობა. კვალიფიციურმა ტრენინგებმა გარდა თეორიული ცოდნისა, პრაქტიკული დანიშნულების რჩევებიც მისცეს კოოპერატივების წარმომადგენლებს. კოოპერატივის წევრებმა დიდი ინტერესი გამოიჩინეს აღნიშნული საკითხისადმი, რომელიც ძირითადად ეხებოდა საშემოსავლო, მოგების, ქონების, დამატებითი ღირებულების გადასახადებს, მათი არსსა და მნიშვნელობას, თუ რა ვალდებულებები და პასუხისმგებლობები გააჩნია კოოპერატივებს სახელწიფოს მიმართ.



განმარტეს, თუ როგორ უნდა მოხდეს სასოფლო-სამეურნეო საქმიანობის შემდეგ შექმნილი პროდუქციის ბუღალტრული აღრიცხვა. ასევე, დეკლარაციის საგადასახადო ვადებზე და მისი მონაცემების სრულყოფილად წარმოდგენაზე. სოფლის მეურნეობის სამინისტროს ხაშურის მუნიციპალიტეტის საინფორმაციო-საკონსულტაციო სამსახურის უფროსი:

– დიდი იმედი გვაქვს რომ სოფლის მეურნეობის სამეცნიერო ცენტრები კვლავ ჩავითარებთ მსგავსი ტიპის ტრენინგებს დარგების მიხედვით, რომელიც სოფლის მეურნეობის განვითარებაზე იქნება ორიენტირებული და ქართველი სპეციალისტებისგან დაკომპლექტებული, რაც ძალიან მნიშვნელოვანია ჩვენი ქვეყნის ნებისმიერი დარგის განვითარებისათვის.



სამუშაოები გრძელდება

ზაფხულის ცხელი დღეების მიუხედავად, ჩვენს მუნიციპალიტეტში მთელი ტემპით მიმდინარეობს ინფრასტრუქტურული სამუშაოები. დღეს სამი მათგანის ამსახველ ფოტოებს გთავაზობთ. ზემო სურათზე სურამულას ნაპირსამაგრი სამუშაოები დაფიქსირებულია.



ამ სამუშაოებს შპს „კავკასიენერგო“ ახორციელებს და იგი რეგიონული განვითარების ფონდის მიერ 383 ათასი ლარითაა დაფინანსებული. ნავარაუდევია, რომ ოქტომბერში ეს პროექტი დასრულდება.

ქვემო სურათზე სააკადის და გაგარინის ქუჩების ჩიხებია, სადაც მოსახლეობა წლების მანძილზე განიცდიდა უკანალიზაციობას. ორივე პროექტი ადგილობრივი ბიუჯეტიდან ფინანსდება და პირველისათვის 6 ათასი, მეორისათვის კი 19 ათასი ლარია გამოყოფილი.

სოფლის მეურნეობისა და სურსათის საერთაშორისო ორგანიზაციის მონაცემებით მავნებლების, მცენარეთა ავადმყოფობებისა და სარეველების მიერ გამოწვეული სასოფლო-სამეურნეო კულტურების დანაკარგები საკმაოდ დიდია



და აღწევს მოსალოდნელი პოტენციური მოსავლის 35%-ს, ანუ, მავნე ორგანიზმები სობენ სოფლის მეურნეობაში დასაქმებული ყოველი მესამე კაცის შრომის შედეგს. მავნე ორგანიზმებისაგან მცენარეთა დაცვა გულისხმობს სხვადასხვა მეთოდისა და ხერხის ერთობლიობას რომელიც ორგანულადაა შერწყმული ცალკეული სასოფლო-სამეურნეო კულტურის მოვლის აგროტექნიკასთან; არჩევენ მცენარეთა დაცვის საკარანტინო, აგროტექნიკურ, მექანიკურ, ფიზიკურ, სელექციურ, ბიოლოგიურ, ბიოტექნიკურ და ქიმიურ მეთოდებს.

ამჟამად ფართოდაა გავრცელებული მულტი ცალკეული სასოფლო-სამეურნეო კულტურის მოვლის აგროტექნიკასთან; არჩევენ მცენარეთა დაცვის საკარანტინო, აგროტექნიკურ, მექანიკურ, ფიზიკურ, სელექციურ, ბიოლოგიურ, ბიოტექნიკურ და ქიმიურ მეთოდებს.



ამჟამად ფართოდაა გავრცელებული მულტი ცალკეული სასოფლო-სამეურნეო კულტურის მოვლის აგროტექნიკასთან; არჩევენ მცენარეთა დაცვის საკარანტინო, აგროტექნიკურ, მექანიკურ, ფიზიკურ, სელექციურ, ბიოლოგიურ, ბიოტექნიკურ და ქიმიურ მეთოდებს.

ბრძოლის ქიმიური მეთოდი ისეთი ღონისძიებაა, როდესაც ქიმიური შენაერთი, თავისი თვისებებისა და სათანადოდ გამოყენების დროს ეფექტურად მოქმედებს მავნებლებზე, დაავადებებზე და სარეველებზე. მცენარეთა ქიმიური დაცვის საშუალებების საერთოდ მიღებული სახელია პესტიციდები. არასწორი მოხმარების შემთხვევაში, ქიმიური ნივთიერებები საფრთხეს უქმნიან ადამიანის ჯანმრთელობას, მათ უარყოფითი გავლენა აქვთ თბილსისხლიან ცხოველებსა და სხვა ცოცხალ ორგანიზმებზე.

თუ გვსურს, რომ პესტიციდმა მოგვცეს სასურველი ეფექტი, მკაცრად უნდა დავიცვათ შხამქიმიკატების შენახვისა და გამოყენების წესები, რომელიც დამტკიცებულია საქართველოს მთავრობის 2013 წლის 31 დეკემბრის №451 დადგენილებით. წესები განკუთვნილია ყველა მეწარმისა, ფიზიკური და იურიდიული პირისათვის.

პესტიციდების სავარუდო მომხმარებელი - გლეხი, ფერმერი ვალდებულია, დაადგინოს მავნებლის ან დაავადების საზიანო მოქმედების სპექტრი. საჭიროების შემთხვევაში, აუცილებელია კონსულტაციისათვის მიმართოთ მცენარეთა დაცვის სპეციალისტს.

ნათესების, ნარგობათა და სხვა ობიექტების ქიმიური დამუშავება ხდება მათი წინასწარი დათვალიერების და მცენარეთა დაცვის სპეციალისტის მიერ დამუშავების მიზანშეწონილობის შესახებ გაცემული რეკომენდაციების საფუძველზე.

მცენარეთა ქიმიური დამუშავებისათვის უნდა გამოიყენებოდეს მხოლოდ „სახელმწიფო კატალოგით“ ნებადართული პესტიციდები.

სასოფლო-სამეურნეო შხამებთან მუშაობისას მკაცრად დავიცვათ უსაფრთხოების წესები

მომხმარებელი დარწმუნებული უნდა იყოს იმაში რომ მის მიერ შეძენილი პესტიციდი ნამდვილად წარმოადგენს სპეციალისტის მიერ შერჩეულ პრეპარატს. ტარაზე, სადაც მოთავსებულია პესტიციდი, უნდა იყოს მიკრული ეტიკეტი პრეპარატის სავაჭრო დასახელების, მოქმედი ნივთიერებისა და მისი კონცენტრაციის, მოხმარებისა და უსაფრთხოების წესების მითითებით. არ შეიძლება დაზიანებულ ტარაში, საეჭვო ტურტელში მოთავსებული პესტიციდის შექენა.

პესტიციდები აუცილებლად უნდა ინახებოდეს მშრალ, სინათლისგან დაცულ, კარგად ვენტილირებად დახურულ შენობაში, წყლისა და კანალიზაციის სისტემებისგან მოშორებით, კვების პროდუქტების, მედიკამენტების, ცხოველთა საკვების, ოჯახური ქიმიური საშუალებებისგან განცალკევებით, ბავშვებისათვის მიუწვდომელ ადგილზე.

პესტიციდების გამოყენებისას განსაკუთრებული ყურადღება უნდა მიექცეს დოზირებას, სამუშაო ხსნარების ხარჯვის ნორმას და დამუშავებათა ჯერადობას; პესტიციდების გამოყენება ხდება რეკომენდირებულ ვადებში, დასაცავი მცენარეებისა და მავნე ორგანიზმების ბიოლოგიის გათვალისწინებით.

განსაკუთრებით მკაცრად უნდა იქნეს დაცული მოსავლის აღების წინა (ბოლო) დამუშავების დრო ანუ ლოდინის პერიოდი. პესტიციდების გამოყენებასთან დაკავშირებული სამუშაოების შესახებ ფერმერები აკეთებენ ჩანაწერებს. პესტიციდებით ყველა სამუშაო უნდა ჩატარდეს

დილით ადრე ან საღამოს საათებში, ღრუბლიან ან გრილ ამინდებში, როგორც გამონაკლისი, შესაძლებელია მათი გამოყენება დღის საათებშიც. პირები, რომლებიც ახორციელებენ ამ სამუშაოებს, უზრუნველყოფილნი უნდა იყვნენ ინდივიდუალური დაცვის საშუალებებით.

სამუშაო ხსნარების მომზადების წინ აუცილებელია შემოწმდეს სასოფლო-სამეურნეო ტექნიკის - შემასხურებელი მანქანების და აპარატურის სისუფთავე და მზადყოფნა. უნდა მომზადდეს ხსნარის ის რაოდენობა, რაც საჭიროა ერთი წამლობის ჩასატარებლად. სამუშაო ხსნარი მზადდება უშუალოდ შეწამელის წინ, თითოეული პრეპარატი ცალ-ცალკე გაიხსნება მცირე მოცულობის სუფთა წყალში და ჩაისხმება ნახევრად შევსებულ რეზერვუარში განუწყვეტელი მორევით, შემდეგ ხდება რეზერვუარის შევსება ნორმამდე.

მომხმარების შემდეგ ყველა ხელსაწყო და მოწყობილობა კარგად უნდა გაირეცხოს; გამოყენებული პრეპარატის ცარიელი ტარის უტილიზაცია ხდება შესაბამისი ინსტრუქციის მიხედვით. მცენარეთა დაცვის საშუალებები ადამიანზე ზემოქმედებას ახდენენ უშუალოდ სხეულთან კონტაქტის დროს ან ორგანიზმში შეღწევით.

მოწამელის თავიდან ასაცილებლად უნდა დავიცვათ სიფრთხილის აუცილებელი ზომები. არ ჩავატაროთ წამლობა ქარიან ან ცხელ ამინდში, არ დაგუშვათ წამლობის ადგილზე ბავშვები და უცხო პირები. მუშაობის დროს აკრძალულია თამბაქოს მოწევა, საკვებისა და წყლის მიღება.

მუშაობის დასრულების შემდეგ უნდა გაირეცხოს გამოყენებული ტანსაცმელი, პერსონალმა გულდასმით უნდა დაიბანოს ხელები საპნით და წყლით. მოწამელის შემთხვევაში აუცილებელია პირველადი დახმარების აღმოჩენა და ექიმის გამოძახება. პესტიციდებთან სამუშაოდ არ დაიშვებიან 18 წლამდე ასაკის პირები, ფეხმძიმე და მეძუძური ქალები.

მხოლოდ ამ გზით შეიძლება, უზრუნველყოთ სოფლის მეურნეობაში შხამქიმიკატების ეფექტიანი, ეკონომიური და უსაფრთხო გამოყენება, დავიცვათ გარემო დაბინძურებისაგან და დავიცვათ საკუთარი უსაფრთხოება.

ავთანდილ გოგალაძე
სოფლის მეურნეობის სამინისტროს
ხაშურის მუნიციპალიტეტის
საინფორმაციო-საკონსულტაციო სამსახურის მთავარი სპეციალისტი



გადავაქციეთ ხაშური ხანიშუშო წესრიგისა და სი-სუფთავის ქალაქად!

უბრალო ადამიანები, რომლებსაც უყვართ, უვლიან და აღამაზებენ ხაშურს

ცისკრის ვარსკვლავი ისევ ღორინამკლის თავზე კიდა, აისი კი თრი-ალეთის ღარტაფებიდან ქალაქისკენ მოიპარება.. ქალაქი დილის ბინდ-ბუნდშია გახვეული და ღრმა ძილით ძინავს. მატარებელმა „ბათუ-მი-თბილისი“ გორათთან მძლავრად შემოჰკივლა. ვაგონებში ერთი ფა-ცა-ფუცი ატყდა, ხაშურია, ხაშურია... ხმამაღლა აცხადებს გამცილებელი. მატარებელი კი უკვე ხაშურის ბაქანზე დგას და მზაობისგან იცლებს.

მე და ჩემი თანამგზავრი, ბათუმელი სტუმარი ბაქანზე გამოვიდვართ. მე ტაქსს დაუწვევ ძებნა.

– არა, ძმაო. რა ტაქსი, რის ტაქსი, თუ კაცი ხარ ფეხით გამატარე თქვენს ქალაქში. ეს შესანიშნავი, ბროლივით გამჭვირვალე და წყაროს წყალივით კამკამა ჰაერი მასუნთქე. ხედავ, ჰაერი ბროლის კრისტალებითაა გაძეპი-ლი. ამის პატრონს რა მოკლავს! – პათეტიკურად წამოიძახა ჩემმა სტუმარ-მა და ჰაერი ისე ღრმად ჩაისუნთქა, რომ მკერდი ბურთივით გამოუვარდა წინ.

– აქეთ, აქეთ, გაეძახე სტუმარს, პროფესორ კარლო ცომიას და მომდერა-ლი შადრევნის სკვერით ცენტრალურ მოედანზე გავიყვანე. ეს არის ჩემი ქალაქის გული, ჩემო კარლო, მე აი, იმ შენობაში ნახევარ საუკუნეზე მეტია ვმუშაობ, ჩემი მეორე სახლია, იქ რაიონის მუნიციპალიტეტი განლაგებული, რუსთაველის განახლებულ ქუჩას კი ისევ სძინავს, არავითარი მოძრაობა, სრული სიჩუმე და სიწყნარეა. აი, ეს, ჩემო ბატონო, ომის ვეტერანთა სახელო-ბის სკვერია. იქაც სრული სიბნელეა, სკვერში ციციანთელები დაფრინავენ. ნუთუ მართლა ციციანთელებია, ჩაგვიტოხე ჩემს სტუმარს. ციციანთელა და ამოდენა, გაიკვირვა კარლომ. შუქი სკვერის ერთი კუთხიდან მეორისკენ გადაადგილდებოდა. ციციანთელა კი არა, ვიდაც ელექტრონათურით ხე-ღში დადის სკვერში, მის ყველა კუთხე-კუნჭულს ჩხრეკს, ათვალაიერებს. ვინ უნდა იყოს? სტუმარმა ხელით გამწია და მითხრა: – წამო, თუ ძმა ხარ, ალბათ ვიდაც ბოშია და ეტყობა, სიგარეტის მოკიდებას ცდილობს.

ჩაბნელებული სკვერი უცებ აინთო, ირგვლივ ყველაფერს ნათელი მოეფინა. ღამაზ გარნიტურებზე დაკიდებული ბრები მსუბუქ ნისლეში დილის ცვარ-ნამივით გამოეკიდნენ ჰაერში და იქაურობა კიდევ უფრო მიმზიდველი გახდა.

– ვინ ბრძანდებით, – ეკითხება კარლო სკვერში მოფუსფუსეს, ქალბატონს.

– მე, ბატონო ჩემო, აიპ „სავანეს“ თანამშრომელი ვარ. ქალაქის ცენტრალურ სკვერებს ვპატრონობ, ვასუფთავებ, ვუვლი. ეს – ეს არის პოლიცი-ის შენობის მიმდებარე და წმინდა ნინოს სახელობის სკვერში მოვაწეს-რიგე-დავასუფთავე და ახლა აქ მოვედი. აქედან სხვაგან გადავალ, ისე, რომ 8 საათისთვის ქალაქის ყველა ცენტრალური სკვერი და საზოგა-დოებრივი თავშეყრის ადგილები ხაშურლებს ყოველმხრივ მოწესრიგებული უნდა დავახვედრო, რომ მათ დილაადრიან გუნება-განწყობა არ გაუფუჭვტ.

– აი, აღამიანი, ასეთი პიროვნებით ყველა ქალაქი იამაყებდა! – თავ-

ისი მოსახრება დააფიქსირა ჩემმა სტუმარმა და კეთილად გამიღიმა.

– მაინც ვინ არის ეს ქალბატონი, თავის თავზე რომ არაფერი გვითხრა? – დაინტერესდა სტუმარი.

– ახლავე დაგიდგენ, ჩემო კარლო, თუ ასე გასურს იცოდე ვინ არის ის ქალბატონი.

– მე კი არა, შენ უნდა გაინტერესებდეს რედაქტორო, თქვენ უნდა ექებდეთ და პოულობდეთ ქალაქზე შეყვარებულ უბრალო ადა-მიანებს, რომლებიც დიდი ენთუზიაზმითა და შემართებით გემ-სახურებიან თქვენ – ხაშურლებს, – დამმოდგრა პროფესორმა.

– მიდებოდა თქვენი შენიშვნა, ბატონო პროფესორო...

ვთქვი და მობილური მოვიმარჯვე. „სავანეს“ ერთ-ერთი პა-სუხისმგებელი პირი „გამოვიჭირე“ და ჩვენი თხოვნა გადავეცი.

– რაშია საქმე, აღელვება შეეპარა ხმაში უნებლიე რესპოდენტს.

– ყველაფერი რიგზეა, კარგ საქმეს წავაწყდი ამ დილაუთენია და ღირს ამის გამო ორიოდ სიტყვით მოვეფერო და შევაქო თქვენი მუშაკი, რომელ-საც ახლა ვესაუბრებით.

– ეგ ქალბატონი, ბატონო რედაქტორო, ღია შამათავაა, ჩვენი კოლექტივის ღირსეული წევრი. უაღრესად შრომისმოყვარე და დისციპლინიანი პიროვნე-ბაა. ყველა ცენტრალური სკვერი, დღეს ასე მომზადებულად რომ გამოი-ყურება, მისი დამსახურებაც არის. იგი აქტიური საზოგადოებრივი პიროვნე-ბაც არის, კოალიცია „ქართული ოცნების“ აქტიური და ერთგული წევრია.

ლ. შამათავა სენაკიდან არის წარმოშობით, ამ ოცდაათიოდე წლის წინ იგი ხა-შურში ჩამოვიდა და, საბედნიეროდ, ცნობილი იურისტის, რაიონის პროკურორის შალვა ბეჟუაშვილის ოჯახში მოხვდა. აქედან იწყება მისი ხაშურული ოდისეა.

იგი პროფესიით ბუღალტერია, მაგრამ ფიზიკურ შრომას არ თაკილობს. ოჯახი თავისას მითხოვს. ერთი ვაჟი ჰყავს – რამაზი, ცოლ-შვილიანია, დედას ორი შვილიშვილი, ორი ღამაზმანი აჩუქა. რამაზი ფოთში ცხოვ-რობს, ის ფოთის პორტის დიდი კოლექტივის ღირსეული და დაფასებუ-ლი წევრია. ღია მათით ხარობს და მთთვის შრომობს თავდაუზოგავად.

ღია, როგორც ყველა მეგრელი ქალბატონი, შესანიშ-ნავი დიასახლისი და ქართული კერძების დიდოსტატია.

მას ისევე უყვარს ხაშური, როგორც მშობლიური სენაკი, სად-აც მისი სანათესაო ცხოვრობს. იგი კარგ ლექსებსაც წერს და როგორც ვიცი, მშობლიური რაიონის გაზეთებშიც აქვეყნებს მათ.

გასაგებია, რომ იგი ასეთი პიროვნებაა, რომელიც ყვე-ლა შრომით კოლექტივს დაამშვენებს და ასახელებს.

„სავანეს“ არაერთი ასეთი შრომისმოყვარე და ქალაქზე შეყვა-რებული თანამშრომელი ჰყავს. ერთ-ერთი ასეთია ომარ ლაცა-ბიძე, რომელსაც პატივისცემის და სიყვარულის ნიშნად „ლო-მას“ ეძახიან, იგი შრომაში მართლაც ღომია, ისეთი ხელმარჯვეა, რომ მისი ხელიდან ყველაფერი გამოდის, გამოცდილი საქე-ბარი მუშაკია, მის გარეშე ამ პატარა და შრომისმოყვარე კო-ლექტივში (დირექტორი შოთა კოპაძე), მის გარეშე თითქმის არაფერი კეთდება. სადაც დიდი და სასწრაფო საქმეა, ღომაც იქ არის თავისი დიდი კაცობითა და მოუღალავი მარჯვენით.

რ. სუხიაშვილი

ისტორიული მნიშვნელობის

კვანძი

საქართველოს ერთ-ერთი უღამაზესი კურორტის დასავლეთ კარიბჭესთან წარმოქმნილია გზათა და მდინარეთა თავშეყრის შესანიშნავი კვანძი.

აქ, იტრიის დასაწყისში, ერთიანდებიან ქვეყნის ცენტრალურ-რი საავტომობილო მაგისტრალი თბილისი-სენაკი-ლესელიძე და კურორტის ცენტრში გამავალი, აგრეთვე ყოფილი მთავარი გზა.

თავისი შორეული წარსულით და ისტორიული კატაკლიზმებით ეს პატარა ადგილმდებარეობა მნიშვნელოვანია, რადგან ამ კომპლექსთან ერთურთს ეყ-რის ორი, პირდაპირი გაგებით, ფრიადმნიშვნელოვანი მდინარე: – სურამულა და შუქლედე, რომელნიც სათავეს იღებენ ქვეყნის აღმოსავლეთ და დასავ-ლეთად გამყოფი სურამის ქედის აღმოსავლეთი კალთიდან. ისიც საყურ-ადღებოა, რომ ამ ორი მდინარიდან შუქლედის აუზი უტოლდება სურამულის აუზს და წყალთა სიუხვის თითქმის თანაბარი რაოდენობით ერთიანდები-ან ამ კვანძში. მერე კი შორს, რაიონის აღმოსავლეთ ნაწილში „ამდიდრე-ბენ“ საქართველოს დედა-მდინარე მტკვარს, მისი მარცხენა შენაკადით.

ზუსტად ამ ორი მდინარის შესაყარში აგებულია (და აღდგენილია) XIII საუკუნის ეკლესია თავისი პატარა, მაგრამ უღამაზესი შიგთავსით, რო-მელიც წმ. დიდმოწამე მარინეს სახელს ატარებს. აქ აღველინება რე-ლიგიური ხასიათის ყველა სახის რიტუალები: ღოცვები, ნათლობები, ჯვრისწერები და ა.შ. აქვე, ეკლესიიდან ოციოდე მეტრში, აგებულია სა-ჯარო სკოლა, რომელიც თავისი არსებობის მე-2 საუკუნეს მიუყვება. მისი დამაარსებელი და პირველი დირექტორი (ხელმძღვანელი) ყოფილა XIX საუკუნის მიწურულს საქართველოს კათალიკოს-პატრიარქი ქრისტეფორე III (ციციქიშვილი). საყურადღებოა, რომ ეს პატარა ეკლესია მოინახულა და მოილოცა XX საუკუნის მიწურულს სრულიად საქართველოს კათო-ლიკოს-პატრიარქმა, უწმიდესმა და უნეტარესმა ილია II (შიოლაშვილმა).

ამ პატარა კვანძი-კომპლექსის მნიშვნელობა იმაში მდგომარეობს, რომ როდესაც დამპყრობ თათარ-მონღოლთა ურდო შეუპოვრად მიიწვედა ევრა-ზიის დასავლეთის ქვეყნებისკენ და იქნა რა აღებული მათ მიერ აღ-მოსავლეთ საქართველო, დიდი ივანე ჯავახიშვილი თავის ისტორიულ ნაშრომებში აღნიშნავს, რომ „შემოვიდა მონღოლთა ლაშქარი და დადგა სურამს“. ისმის კითხვა: სად, სურამის რომელ ადგილს დადგა ლაშქარი? – ალბათ ყველას ჰგონია, რომ დადგა იქ, სადაც ახლა სურამის ციხეა,

მაგრამ ჩვენი სარწმუნო ვარაუდით, ეს ასე არ არის. ფაქტობრივად, მონ-ღოლთა ლაშქარმა დაიკავა ზემოთ ნახსენები ორი მდინარის შენაკადის ადგილი, რადგან ლაშქარს გადაწყვეტილი ჰქონდა საქართველოს მთელი ტერიტორიის აღება და დასავლეთში გადასვლა. მცდელობა შეუსრულე-ბელი აღმოჩნდა, რადგან დაბურულმა ტყემ და გაუვალმა ტევრმა, რო-მელიც ამ მდინარეთა შესართავიდან იწყებოდა, მათ ამის საშუალება არ მისცა, და კიდევ, მონღოლთა დიდ ლაშქარს ესაჭიროებოდა სასმელი და საკვები საშუალებები. ეს ორი მდინარე კი თავისი სისუფთავით და ანკა-რა წყარო-ნაკადულებით სრულიად პასუხობდა მოთხოვნებს. ამავე დროს, როგორც დიდი გეოგრაფოსი და კარტოგრაფი ვახუშტი აღნიშნავს, ამ მდინარეთა ტყით დაბურული კანიონები მდიდარი იყო ხილითა კეთილითა კაკლითა, წაბლითა, თხილითა, მაქალო-პანტითა, ამასთან ნადირ-ფრინველითა, მდინარენი სავსენი თევზითა, კალმახ-ქაშაყითა, საკვებითა და სათბობითა.

ერთი სიტყვით, სურამის გარეუბნის ამ პატარა ადგილზე დასცეს ბანაკები და თარეშობდნენ მონღოლნი მანამ, ვიდრე არ აღიმართა მათ წინაშე მეფე გიორგი ბრწყინვალეს ძღვევამოსილება. აქ დაინიშნა მათ მიერ შექმნილი ქართლის დუმნის ხელმძღვანელად გრიგოლ სურამელი, ხოლო, რამდენადაც მათ ვერ შეადწინეს დასავლეთ საქართველოში, პირობითად შექმნილი დუმნის ხელმძღვანელად დანიშნის შესახებ შეტყობინება აახლეს ცოტნე დადიანს.

ამრიგად, სურამსა და მის ამ პატარა კუთხეს უაღრესად დიდი ისტორი-ული წარსული გააჩნია.

დასასრულ გვინდა, აღვნიშნოთ იმ მცირე ცდომილებებზე, რაც ამ კვანძს უკავშირდება. აწარმოეს რა მდინარე შუქლედეზე არსებული დაზიანებული მონოლითური რკინა-ბეტონის ხიდის რეაბილიტაცია, ხიდის ორივე მხარეს დააყენეს მანქნებელი ნიშანი „სურამულა“, რაც ტყუილია და შესასწორე-ბელია. ასევე, არასწორად დასვეს სოფლის მანქნებელი ნიშანი – „იტრია“, რაც არასწორია, ჯერ ერთი, აქედან იწყება სოფელი ბუღაურა და სკოლაც ბუღაურის ტერიტორიაზე მდებარეობს, ნიშანი კი არამართებულადაა დაყ-ენებული, რადგან ჯერ კიდევ ყოფილ მინისტრთა საბჭოს დადგენილებით, სოფლები: ბუღაურა, იტრია, ჩუმათელეთი, ურთხვა, ზეკოტა და ასე შემდეგ მიერთებულია სურამთან და მათი სახელწოდების დაწერა და დაყენება არას-წორია, ნიშანი – „სურამის“ დაყენების ადგილიც არამართებულია, აქედან გამომდინარე, ეს პატარა ისტორიული მნიშვნელობის კვანძი გადაიტვირთა „ტყუილებით“, რაც უახლოეს მომავალში აუცილებლად უნდა გასწორდეს.

იუზა გელაშვილი, ტექნიკურ მეცნიერებათა დოქტორი

გაცრეცილი ფოტოები

დღეიდან ახალ რუბრიკას ვთავაზობთ მკითხველს – „გაცრეცილი ფოტოები“. ეს ფოტოსურათები რედაქციის არქივში შემოინახა, არქივში, სადაც დაცული ფოტოები ზოგი საუკუნესაც კი ითვლის, თუმცა, არც აქვს დიდი მნიშვნელობა, როდის არის გადაღებული. ყველა მათგანი ჩვენი ისტორიაა და კარგად ასახავს იმ ეპოქას, იმ წლების რეალობას, როდესაც ისინი დაფიქსირდნენ. ამდენად, რა თქმა უნდა, თითოეული მათგანი საინტერესოა. დღეს სამ ფოტოს ვთავაზობთ. პირველზე სამი ომგამოვლილი ახალგაზრდაა გა-



მოსახული. სამამულო ომი ახალი დამთავრებულ ია და ომგამოვლილი და გამარჯვებული ვაჟკაცები უკვე სახელში დაბრუნდნენ. ალბათ გამარჯვებასაც აღნიშნავენ. საბედნიეროდ, სურათს წარწერა ახლავს და, ამდენად, მათი

გვარ-სახელები ვიცით: ვასილ ჯავახიშვილი, ალექსანდრე ნოზაძე და ლოლიკ ლეიშანი, მაგრამ, სამწუხაროდ, ჩვენი ცნობადობა აქ წყდება. თუ მკითხველი ან ნათესავი ამოიცნობს მათ ახლობელს, და მოგვაწვდის ინფორმაციას, ჩვენ სიამოვნებით მოგიტოვებთ მათზე უფრო დაწვრილებით. მეორე ფოტო გასული საუკუნის 80-იან წლებშია გადაღებული და მასზე საპირ-



ველმაისო დემონსტრაციაა ასახული. მართლაც საინტერესო რამ იყო ეს დემონსტრაციები. მთელი მსვლელობის არსი იმაში მდგომარეობდა, რომ ტრიბუნაზე შებრძანებული პარტიული ბოსებისთვის თავი დაეკრათ, ან ხელი დაეკნიათ და მორჩა... ეს იყო სულ. არადა ამ დემონსტრაციისთვის კვირაობით ამზადებდნენ მუშებს. ჯერ იყო და ფეხი არ უნდა შეშლოდათ და მარშის მსვავსი მსვლელობით ევლოთ (ეს რაღა უბედურება იყო!), მერე პოლიტიკურს წვევების (ჯანდაბამდე გზა ჰქონიათ ყველას) უზარმაზარი სურათების თრევით წვევტდნენ წელს. მოკლედ, ძალიან სულელური რამ იყო, მაგრამ იყო და ეს ჩვენი ისტორიაა. მესამე ფოტოზე საქართველოს კომპარტიის ცენტრალური კომიტეტის პირველი მდივნის ჯუმბერ პატიაშვილის ხაშურში სტუმრობის ეპიზოდია. იგი, ხაშურის რაიკომის პირველ მდივანთან – ირაკლი ჯიქურაშვილთან ერთად შუშის ქარხანას ათვალაიერებს. ძალიან საინტერესო სახე აქვს ამხანაგ ჯუმბერს. რას უყურებს, რას მისჩერებია, რა უნდა დაინახოს ამ ბოთლში? მაგრამ პირველი მდივანი ხომ „ყველაფრისტი“ უნდა ყოფილიყო და, რა თქმა უნდა, ბოთლსაც მასზე უკეთესად ვერავინ შეაფასებდა. ალბათ, მისცა კიდევ შენიშვნა – ძირითადი ოდნავ სქელი მენვენებაო ან ამდაგვარი... მოკლედ, ხუმრობა იქით იყოს და ესეც ჩვენი ისტორიაა.



სკაუტურმა ბანაკმა ბევრი რამ ასწავლა ახალგაზრდებს

საქართველოს სპორტისა და ახალგაზრდობის სამინისტროს ინიციატივით, "რეგიონში მცხოვრები ახალგაზრდების განვითარების ხელშეწყობის პროგრამის" ფარგლებში, "საქართველოს სკაუტური



მოძრაობის ორგანიზაციასთან" ერთად, განხორციელდა 250 კაციანი ერთობლივი საზაფხულო სკაუტური ბანაკი გორის მუნიციპალიტეტში, ატენის ხეობაში.



ბანაკში იმყოფებოდნენ წარმოშადგენლები ჩვენი მუნიციპალიტეტიდანაც. ახალგაზრდები ჩართული იყვნენ სხვადასხვა აქტივობებში და პროექტის ფარგლებში მიიღეს ლიდერობისა და პიროვნული განვითარების, სამოქალაქო და გარემოს დაცვის, ბუნებაში ორიენტირებისა და თვითგადარჩენის შესაბამისი განათლება.



სურამში, რუსიას ქუჩა დიდი ხანია ითხოვდა რეაბილიტაციას. სამწუხაროდ, ამას წლების მანძილზე არ დაადგა საშველი. წელს კი მუნიციპალიტეტის ხელმძღვანელების ინიციატივით, ეს პრობლემა მოგვარდა და რუსიას ქუჩა მთელს სიგრძეზე კეთილმოეწყო. კანალიზაცია აქ გასულ წელს გააკეთდა, ახლა კი ქუჩა ასფალტითაც იწონებს თავს.

მოსახლეობის დაცული არჩევანი სურსათის ეროვნული სააგენტო რძის პროდუქტებზე რეგულაციებს ამყარებს

ჩვენი სამომხმარებლო ბაზარი უამრავი დასახელების პროდუქციას გვთავაზობს, რომელთა დიდი ნაწილი არათუ არ პასუხობს სანიტარულ ნორმებს, ხშირად ადამიანთა ინტოქსიკაციისა და გარდაცვალების მიზეზიც კი გამხდარა. ადამიანის ჯანმრთელობა უპირველესია, რომელიც ჯანმრთელ კვებასთან, ნატურალური, ვიტამინებით მდიდარი და სასარგებლო საკვების მიღებასთანაა ასოცირებული. მომხმარებელი უნდა იყოს დაცული, უნდა ჰქონდეს თავისუფალი არჩევანის შესაძლებლობა, თვითონ გადაწყვიტოს, რა ღირებულების, რა შემადგენლობის პროდუქტი შეიძინოს. ამაში კი მათ, გარდა თვითშეგნება, სახელმწიფო რეგულაციებიც ეხმარება, რომელიც ეტიკეტზე სრულად მიუთითებს პროდუქციის შემადგენლობას, ვარგისიანობის ვადებს, ენერგეტიკულ ღირებულებას თუ სხვა ჯანმრთელობისათვის მნიშვნელოვან ინფორმაციას. განსაკუთრებული კონტროლი რძისა და რძის პროდუქტებზე მიმდინარეობს.

რამდენად კონტროლირდება დღეს საქართველოს სამომხმარებლო ბაზარი და, შესაბამისად, რამდენად დაცულია ადამიანის სიცოცხლე და ჯანმრთელობა, რამდენად მნიშვნელოვანია ცხოველთა და მცენარეთა სიჯანსაღე სურსათის უვნებლობის უზრუნველსაყოფად და რას აკეთებს სურსათის ეროვნული სააგენტო იმისთვის, რომ დაიცვას საკუთარი მოქალაქეების ჯანმრთელობა საშიში სურსათისაგან, ამაზე სურსათის ეროვნული სააგენტოს შიდა ქართლის რეგიონული სამმართველოს სპეციალისტი **ხათუნა ქიტიაშვილი** ისაუბრებს:



ქალბატონო ხათუნა, რამდენად დაცულია დღეს მონსტრალური საკვებად უკარგისი პროდუქციის შექმნის ალბათობისაგან, თუ აწარმოებს შემოწმებას სურსათის უვნებლობის სამსახური და რა უნდა ვიცოდეთ ხორცპროდუქტების შექმნისას და სასაკლაოებზე არსებულ ჰიგიენურ ნორმებზე?

–სურსათის ეროვნული სააგენტო ჯანმრთელობისათვის საშიში სურსათისა დასაწარმოებში არასათანადო პირობების გამოსავლენად, მუდმივ მონიტორინგსა და ინსპექტირებას ატარებს. ივნისში სურსათის უვნებლობის სააგენტოს სპეციალისტებმა საქართველოს მასშტაბით, აიღეს და ლაბორატორიას გადაუგზავნეს სურსათის 447 ნიმუში, კვლევის შედეგებით დადგინდა, რომ 66 ნიმუში არ აკმაყოფილებდა დადგენილ მოთხოვნებს. საღმრთელას კვლევა ჩატარდა 47 ნიმუშში, თუმცა დარღვევა არ გამოვლენილა: ცხოველური წარმოშობის სურსათის 84 ნიმუშიდან დარღვევა გამოვლინდა 31 ნიმუშში. კვლევა ჩატარდა სასმელი წყლის (მათ შორის დაფასოებულს) 146 სინჯს. დარღვევა გამოვლინდა მხოლოდ 27 სინჯში. ალკოჰოლური სასმელის 47 ნიმუშიდან კი 5-ში. ხორცისა და ხორცპროდუქტების შექმნისას მნიშვნელოვანია, მომხმარებელმა იცოდეს, რამდენად უსაფრთხოა ხორცი, რომელსაც ყიდულობს. ამისათვის, სასაკლაოებზე ხორციელდება ვეტერინარული ზედამხედველობა და მოწმდება, როგორც ცხოველისა და ფრინველის ჯანმრთელობის მდგომარეობა, ასევე სასაკლაოზე არსებული ჰიგიენურ-სანიტარული პირობები. ივნისში, სააგენტოს ოფიციალური მონაცემებით, ვეტერინარული ზედამხედველობა განხორციელდა 19 152 მსხვილფეხა, წვრილფეხა პირუტყვისა და ღორის, ასევე 21 686 ფრინველის დაკვლაზე. სურსათის ეროვნული სააგენტოს მუდმივი მონიტორინგის მიუხედავად, სამწუხაროდ, დახლებზე ისევ გვხვდება ვადაგასული სურსათი. მარტო ივნისის თვეში ამოღებული და განადგურებულია 450 კგ ხორცი და ხორცპროდუქტი, 178 ცალი კვერცხი, 290 კგ-მდე მყარი და 180 ლ-მდე თხევადი სურსათი. საქართველოს მასშტაბით ჩატარდა 530 ინსპექტირება, რომლის დროსაც გამოვლენილი შეუსაბამობების გამო, დაჯარიმდა 41 ბიზნესოპერატორი, 8-ს კი საწარმოო პროცესი შეუჩერდა. ეს პროცესი მთლიანად საქართველოს მასშტაბებს მოიცავს, რადგან ადგილობრივი და შემოტანილი პროდუქცია, ყველა რეგიონს მიეწოდება და ნაწილდება.

–**როგორც ხეშეშენისა ცხოვრობი, შეიცვალა და შესაბამისად, გაქცა რძისა და რძის პროდუქტებზე ტექნიკური რეგლამენტები, რაც უფრო დაცულს ხდის მომხმარებელთა ინტერესებს.**

–2015 წლის 1 აგვისტოდან ძალაში შედის საქართველოს მთავრობის 2015 წლის 3 აპრილის №152 დადგენილება " რძისა და რძის ნაწარმის შესახებ ტექნიკური რეგლამენტის დამტკიცების თაობაზე", რომელიც მიზნად ისახავს რძისა და რძის ნაწარმის, რძის შემცველი პროდუქტის წარმოების, გადამამუშავებისა და დისტრიბუციის ეტაპებზე რეგულირების ერთიანი პრინციპების განსაზღვრას და მომხმარებელთა უფლებების დაცვას. მთავრობის ამ რეგულაციის მიხედვით, სურსათის ეტიკეტზე დასახელება რძე, მშრალი რძე (რძის ფხვნილი), არაჟანი, მაწონი, ხაჭო, კარაქი და სხვა, გამოყენებული უნდა იყოს მხოლოდ რძის ნაწარმზე, თუკი რძისა და რძის ნაწარმის შემადგენლობაში დამატებული იქნება მცენარეული ცხიმები, ასეთი სურსათის შეფუთვაზე უნდა დაიწეროს რძის შემცველი პროდუქტები, მაგალითად კარაქისებრი ან კარაქის მსგავსი, არაჟანისებრი ან არაჟანის მსგავსი.

საქართველოს მთავრობის 2015 წლის 9 ივლისის № 342 დადგენილებით, რძისა და რძის ნაწარმის შესახებ ტექნიკურ რეგლამენტში შესული ცვლილებებით კი განისაზღვრა ტერმინი "მაწონი", ეს არის ქართული ტრადიციული რძემწვა პროდუქტი, რომელიც მიიღება ძროხის, კამეჩის, თხის, იშვიათად ცხვრის ადგილობრივი, ნორმალური და პასტერიზებული რძის ან მათი ნარევის შედეგებით. დასახელებას "მაწონი" შეიძლება დაემატოს საწყისი რძის მინიშნება-ძროხის, თხის, კამეჩის ან ცხვრის-იმ შემთხვევაში, თუ გამოყენებული რძის წილი ნარევი 85%-ს აღემატება.




2016 წლის პირველ აგვისტომდე დასაშვები იყო რძის შემცველი პროდუქტების ეტიკეტზე რძისა და რძის ნაწარმის დასახელების გამოყენება სიტყვა "მსგავს"-თან ანდა, ბოლოსართ "ებრ"-თან ერთად. მაგალითად: რძისებრთან ან რძის მსგავსი, არაჟანისებრთან ან არაჟანის მსგავსი. ამ ვადისგანსვლის შემდეგ კი რძის შემცველ პროდუქტებზე რძის ნაწარმის აღმნიშვნელი ტერმინების (არაჟანი, კარაქი, რძე) გამოყენება აიკრძალა.

–**გარდა რძის პროდუქტებისა, რეგულაციები შეეხო საქართველოში წარმოებულ თაფლსაც. ერთი შეხედვით უწყინარი პროდუქტი, როგორც აღმოჩნდა, იმ მკაცრად კონტროლირდება პროდუქტთა სიაშია, რომელსაც სახელმწიფო კონტროლი დაუწვესდა...**

–გასული წლის ბოლოს საქართველოს მთავრობამ მიიღო დადგენილება თაფლის შესახებ ტექნიკური რეგლამენტის დამტკიცების თაობაზე, რომელიც მიზნად ისახავს თაფლის წარმოების, გადამამუშავების, დისტრიბუციის ეტაპებზე რეგულირების ერთიანი პრინციპების განსაზღვრას. "თაფლის შესახებ ტექნიკური რეგლამენტი" სოფლის მეურნეობის სამინისტროსა და სურსათის ეროვნული სააგენტოს სპეციალისტებით დაკომპლექტებულმა სამუშაო ჯგუფებმა საერთაშორისო სტანდარტებისა და მოთხოვნების გათვალისწინებითა და ევროკავშირის კანონმდებლობაზე დაყრდნობით შეიმუშავა. რეგლამენტი 1 ივლისიდან შევიდა ძალაში, რაც იმას ნიშნავს, რომ ამიერიდან, ბიზნესოპერატორი ვალდებულია, ბაზარზე განათავსოს მხოლოდ ჯანმრთელი ფუტკრისაგან მიღებული თაფლი, რომელიც გამოსული იქნება ფუტკრის ინფექციური დაავადებების მხრივ კეთილსაიმედო მეურნეობიდან. მკაცრად გაკონტროლდება ვეტერინარული პრეპარატების მოხმარება, დოზები და ვადები, ბაზარზე განთავსებული თაფლის უვნებლობა და ეტიკეტზე დატანებული ინფორმაციის შესაბამისობა რეალობასთან, თაფლში დამატებითი დანამატებისა და სხვა საკვები ინგრედიენტების არსებობა. სარეალიზაციო თაფლზე კონტროლს სურსათის ეროვნული სააგენტო განახორციელებს. დარღვევების აღმოჩენის შემთხვევაში კი გატარდება შესაბამისი საჩივრები, რაც მიმართულია მომხმარებელთა ინტერესებისა და შესაბამისად ადგილობრივი ბაზრის ფალსიფიკაციისაგან დასაცავად და ქართული თაფლის ექსპორტის სტიმულირებისათვის ევროკავშირის ბაზარზე.

თ. ჯავახიშვილი


საქართველოს შრომის, ჯანმრთელობისა და სოციალური დაცვის მინისტრი დაავით სერგეენკო შიდა ქართლს სტუმრობდა. პრესკონფერენციაზე C ჰეპატიტის აღმოფხვრის პროექტის მიმდინარეობაზე ისაუბრა და აღნიშნა, რომ დღეის მდგომარეობით, მკურნალობის კურსს გადის 3045 პაციენტი.



პროგრამაში დარეგისტრირებულია 10 000-მდე პაციენტი. მინისტრის ცნობით, პროგრამაში ჩართულ კლინიკებს გორის სამხედრო ჰოსპიტალი დაემატა, რომელმაც აქტიუობა გააფართოვა და მხოლოდ სამხედრო მოსამსახურეების მკურნალობით არ შემოიფარგლება. ჯანდაცვის სამინისტრო გორის ჰოსპიტალს ფიბროსკანს დროებით მმართველობაში გადასცემს. სამინისტროს მონიტორინგის ჯგუფი გორის ჰოსპიტალში მოსამზადებ-

ულ სამუშაოებს ატარებს. ადგილზე დამონტაჟდება ვიდეოკამერებიც. ამასთან, მინისტრის ინფორმაციით, დღეის მდგომარეობით, მკურნალობის "ჩაწყობისა" და მაღალი საბაზრო ღირებულების მედიკამენტის გადაყიდვის არც ერთი შემთხვევა არ დაფიქსირებულა.

დავით სერგეენკოს განცხადებით, სექტემბრის შუა რიცხვებში სამინისტრო საზოგადოებას საქართველოში C ჰეპატიტის ავადობის განახლებულ სურათს გააცნობს. ბოლო კვლევა 2002 წელს, მხოლოდ თბილისში



ჩატარდა. ახალი კვლევა კი მთელი საქართველოს მასშტაბით ჩატარდა. მინისტრის ცნობით, წინასწარი მონაცემები, სამწუხაროდ, ისევ სავალალოა, საქართველო ამ ავადობის მიხედვით მსოფლიოს პირველ სამეულში რჩება. "თუ შეიძლება ასე ითქვას, მართლაც სულზე მოგვიწერო ამ პროექტმა, რომ ჩვენს მოქალაქეებს დავეხმაროთ", – დასძინა დავით სერგეენკომ.

სენსაციური აღმოჩენა 2700 წლის წინ საქართველოში დამწერლობა არსებობდა

გრაკლიან გორაზე (კასპის რაიონი) აღმოჩენილი ახალი არტეფაქტი შეცვლის არა მარტო საქართველოს, არამედ მსოფლიო დამწერლობის ისტორიის გარკვეულ ეტაპს.

ოსუ-ის ინფორმაციით, ივანე ჯავახიშვილის სახელობის თბილისის სახელმწიფო უნივერსიტეტის არქეოლოგიური ექსპედიციის მიერ აღმოჩენილი უნიკალური წარწერა სრულიად გამორჩეულ, ინდივიდუალურ დამწერლობას მიეკუთვნება, რომელსაც მსოფლიოში ანალო-



გი არ აქვს. გრაკლიან გორის გათხრების შედეგად დაფიქსირდა ნაყოფიერების ღვათებისადმი მიძღვნილი ძვ.წ. VII საუკუნის ტაძარი ორი საკურთხეველით. საკურთხეველის ორივე პოსტამენტზე იკითხება ჯერჯერობით უცნობი დამწერლობის ტექსტები. ახალი აღმოჩენით დასტურდება, რომ 2700 წლის წინ საქართველოს ტერიტორიაზე დამწერლობა გამოიყენებოდა. ამ ფაქტმა და ადრე აღმოჩენილმა მასალებმა, შესაძლოა, ძვ.წ. VII-VI საუკუნეების აღმოსავლეთ საქართველოს, კერძოდ, ქართლის ისტორიული ცნობებიც შეცვალოს. კულტურისა და ძეგლთა დაცვის მინისტრის, მიხეილ გიორგაძის განცხადებით, "გრაკლიან გორის კვლევის პროცესში ახალი აღმოჩენა დაფიქსირდა. ეს არის ძველი წელთაღრიცხვის მე-7 საუკუნის ტაძარი, ორი საკურთხეველი

და საკურთხეველის პოსტამენტზე გაკეთებული წარწერა" "ეს უნიკალური აღმოჩენაა, რადგან საქართველოში დამწერლობის გამოყენების 2700-წლიან ისტორიას ცხადყოფს. დარწმუნებული ვარ, რომ ეს ფაქტი არა მხოლოდ საქართველოს, არამედ მთელი მსოფლიოს მასშტაბით უდიდეს ინტერესს გამოიწვევს. აქ ტურისტული ინფრასტრუქტურა - ნახევრად ღია მუზეუმი ეწყობა, რომელიც საშუალებას მისცემს ყველა მსურველს ძალიან საინტერესო არქეოლოგიური გათხრები დაათვალიეროს".

არქეოლოგიური ექსპედიციის ხელმძღვანელი, თსუ-ის არქეოლოგიის ინსტიტუტის დირექტორი, პროფესორი ვახტანგ ლიჩიელი ახალაღმოჩენილ არტეფაქტებს დიდ მნიშვნელობას ანიჭებს. მისი თქმით, "წარწერა, რომელიც თსუ-ის ექსპედიციამ აღმოაჩინა გრაკლიან გორაზე, არის განსაკუთრებული მნიშვნელობის, მას ანალოგი არ მოეპოვება.

"რაც ყველაზე მთავარია, ის განეკუთვნება ძველი წელთაღრიცხვის მეშვიდე საუკუნეს, ანუ საქართველოში დამწერლობის ისტორია უკვე ითვლის 2700 წელს. ამ აღმოჩენით საქართველო შევიდა იმ უზარმაზარ ცივილიზაციების ელიტაში, რომელთაც საკუთარი დამწერლობა ჰქონდათ ათასწლეულების მანძილზე. ეს დამწერლობა აღმოჩნდა ტაძარში, რომელიც საკმაოდ კარგად არის შემონახული, ამ ტაძარში გამართულია 2 საკურთხეველი და ორივე საკურთხეველზე არის წარწერა აღმოჩენილი. ერთ მათგანზე, რომელიც დასავლეთითაა, არის რამოდენიმე ასო გამოყვანილი თიხით და მეორე საკურთხეველის პოსტამენტი მთლიანად არის დაფარული წარწერით", - განაცხადა ლიჩიელმა.

თსუ-ის პროფესორის განცხადებით, "წარწერა იმდენად მნიშვნელოვანია, რომ ცდება საქართველოს მეცნიერების შესწავლის ფარგლებს და საერთაშორისო კვლევის საგანი გახდება. ახალი აღმოჩენა მთლიანად შეცვლის მსოფლიო დამწერლობის ისტორიის ერთ-ერთ მონაკვეთს."

"გრაკლიან გორაზე არქეოლოგიური გათხრების შედეგად ქვის ხანიდან ანტიკურ პერიოდად საზოგადოების განვითარების 300 000-წლიანი უწყვეტი ციკლი დადასტურდა. სხვადასხვა პერიოდის 10 ფენის გათხრის შედეგად აღმოჩენილი არტეფაქტები - პირველყოფილი ადამი-

ანების სამუშაო იარაღები, გვიანდელი პერიოდის საკულტო დანიშნულების ნივთები და ფარმაცევტული ხელსაწყო - ე.წ. სპატულა, რომელიც წამლების, ხსნარების შესარევად გამოიყენებოდა მნიშვნელოვანი ინფორმაციის მოძიებაში. არქეოლოგებმა საინტერესო არქიტექტურული სურათი მიიღეს: იმ პერიოდისთვის დამახასიათებელი ერთმანეთზე მიჯრით მიდგმული შენობების ერთი კვარტალი.

უმნიშვნელოვანესი აღმოჩენა ძვ. წ. IV ათასწლეულის საბეჭდავები, რომლის ანალოგი სამხრეთ მესოპოტამიაში, ურუქშია აღმოჩენილი; ძვ.წ. V-IV საუკუნეებით დათარიღებული ოქროს დისკო, რომლის ერთადერთი ანალოგი არსებობს ქ. სუზაში (ირანი).

მნიშვნელოვანი და საინტერესოა აღმოჩენილი რამდენიმე საკულტო ოთახი. მათ შორის საკულტო წისქვილი - 3 კონსტრუქციის ხელსაფეკვაი, რომელშიც წმინდა ფეკვილი იფეკვებოდა. წმინდა ფეკვილით ღმერთებისთვის შესაწირ პურს აცხობდნენ. მსოფლიოში არ მოიპოვება გრაკლიან გორაზე აღმოჩენილი ტაძრის საკურთხეველის ბაქნის ანალოგი, რომელიც დიდი დედის კულტთან არის დაკავშირებული. დიდი დედა, იგივე ღმერთების დედა საკურთხეველთანაა გამოსასული", - ნათქვამია თსუ-ს მიერ გავრცელებულ ინფორმაციაში.

გრაკლიან გორაზე ივანე ჯავახიშვილის სახელობის თბილისის სახელმწიფო უნივერსიტეტის არქეოლოგებმა გათხრები 2007 წელს დაიწყეს, სადაც თსუ-ის სტუდენტებისთვის სამეცნიერო-საველე პრაქტიკის ბაზა ჩამოყალიბდა.



ნადირობის სეზონი ბაიხსნა

ერთად ვებრძოლოთ ზრაკონიერებს

დადგა აგვისტოს მესამე დეკადა და დადგა ის საოცარი დრო, რომელსაც ნადირობის მოყვარულნი ასე მოუთმენლად ელიან წლიდან-წლამდე - ნადირობის სეზონი. ნამდვილი მონადირისთვის ესაა პერიოდი, რომელიც აღსავსეა ათასგვარი შთაბეჭდილებებით და ბუნებასთან უშუალო კონტაქტით. თუმცა, არის მონადირეთა კატეგორია, რომელთა ხელით უსასტიკესად ნადგურდება საქართველოს ფაუნა. ისინი არ დაგიდევენ არავითარ კანონს, არ ემორჩილებიან წესებს და უმოწყალოდ ჟლეტენ ნადირ-ფრინველს. ბრაკონიერობა იმდენად გავრცელებული სენია საქართველოში, რომ ამისგან, ფაქტობრივად, საქართველოს არცერთი კუთხე არაა დაცული. სამწუხაროდ, არც ჩვენი მუნიციპალიტეტის ტერიტორია „განიცდის“ მათ ნაკლებობას. ის კი არა, „მეთევზეობის სფეროში“ ლიდერებიც კი ვართ ამ მხრივ და ათეული წლებია, მავანთა ღობირების წყალობით, დღისით, მზისით ჩვენს დედა-მდინარეზე ნებისმიერ დროს ნახავთ ნაგტიკით „მოსეირნე“ ბრიგადებს (რატომღაც ასე ეძახიან ცალკეულ ჯგუფებს ბრაკონიერები), რომლებსაც ხელთ დენის ხელსაწყოები უპყრიათ და დიდი თევზებით დაწყებული, პატარა ლიფსიტებით დამთავრებული, ყველაფერ ცოცხალს ანადგურებენ. ასე ხდება წელიწადის ნებისმიერ დროს. ახლა ნადირობის სეზონი გაიხსნა და არც გადამფრენ ფრინველებს ადგას კარგი დღე. ბრაკონიერთა „გამომგონებლობას“ ხომ საზღვარი არ აქვს. ტექნიკის საოცარი პროგრესით მათაც ისარგებლეს და ფრინველებს ხელოვნურად მოწყობილი ელექტრონული სატყუარებით - ე.წ. „მანოკებით“ შეუტყეს. წარმოიდგინეთ ეს საცოდავი გადამფრენი ფრინველი, რომელსაც, რომელიღაცა ადგილზე, მათი „ლიდერი“ ეძახის (სინამდვილეში ელექტრომატყუარა) და ისინი მთელი გუნდი, იქ გროვდებიან. ბრაკონიერებსაც მეტი რა უნდათ - იწყებენ უმოწყალო ჟლეტას და ზოგჯერ მათი ნადავლი (თითოეულს) --- ფრთასაც კი სცილდება. არა, ეს არაა ნადირობა. ეს ჩვენი ფაუნის პირდაპირი და მიზანმიმართული მკვლელობაა. რა თქმა უნდა,

ბრაკონიერებს ებრძვის სახელმწიფო, მაგრამ ჯერ-ჯერობით მკვეთრი შედეგი რომ არ ჩანს, ესეც ფაქტია. გამოსავალი მხოლოდ ერთია - მთელი საზოგადოება უნდა დავირახმით მათ წინააღმდეგ და, პირველ რიგში, სწორედ კეთილსინდისიერი მონადირეები, რომლებიც ხშირად ხდებიან ასეთი ბრაკონიერობის თვითმხილველნი. სხვაგვარად ამ სენს დიდი ხანი ვერ მოგვრევით. სხვაგვარად ჩვენ მხოლოდ მკვდარ ფაუნას დაგუტოვთ ჩვენს შვილებს.

გ. მაღრაძე



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

Ⓐ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.